

Date – 28/11/2024

Time - 18:30 -18:40Hrs

REGIONAL NEWS BULLETIN

HEADLINES (EVENING)

1. Chief Minister Pu Lalduhoman nakum February thlaa Village Council an inthlan hnuah, Financial Year thar April thla atangin hna an thawk thei tawh dawn a ti.
2. Commerce & Industries Minister Pu F. Rodingliana'n Mizoram Industrial Policy duan mekah sorkar danga la awm ngai lo hamthatna tam tak a awm dawn tih a sawi.
3. JMM hruaitu Hemant Soren chu vawiin tlai khan Jharkhand Chief Minister atan lakluh a ni.
4. Vawiin Parliament rorel thutkhawm chu Opposition Party ten bengchheng an siam nasat avangin rorel thei loin vawiin atan tihtawp a ni.

<><><>

CM

Chief Minister Pu Lalduhoman nakum February thlaa Village Council an inthlan hnuah, Financial Year thar April thla atangin hna an thawk thei tawh dawn a ti.

Chief Minister hian vawiina ZPM Southern Hqrs Office ah thu sawiin, kum thar 2025 February thla chawhnu lamah Village Council inthlanna neih tura ruahman mek a ni a ti a, VC term pawhtawi leh pawhsei chu sorkar thuneihna a ni a, Court ah pawh khing se buaina tur a awm hran lo a ti a, Financial Year hmaa an inthlan fel chuan Village Council thar-ah chuan kalphung thara kal an duh dawn ani a ti a, Financial Year thar ah a hlui an kai chuan buaithlak a awm theih thin avangin hetiang ruahmanna hi siam a ni a ti.

Village Council term kal mek hi Covid avangin pawhsei a ni tawh a, a tul hunah Sorkar chuan a pawt sei theiin a pawt tawi thei a, hei hi Sorkar thuneihna a ni a, tunhma pawhin pawh sei leh pawh tawite alo awm tawh thin a, thuneitute thu neihna a ni a ti bawk.

Chief Minister Pu Lalduhoma chuan Hand-Holding chungchang ah Loan lak chi leh Chief Minister's Special Pakage -a thlawn a cheng nuaikhat thleng lak theihna a awm tih sawiin, November thla thleng dilna hun hawn a ni a, heng diltute hian tunah hian an hmuhloh pawhin an dilna hi an ring zel thei dawn a ti a, tun December thla chhung hian CM's Special Package bik hi Selection neih tum a, tun financial Year chhung ami tur hi chu a Pilot Project anga kalpui a nih thu leh nakum leh a kum leh ah tam leh zuala kalpui chhoh zel tum a ni a ti.

Chief Minister chuan Sawhthing, Aieng, Hmarcha leh Hmunphiah lei turin Expression of Interest (EOI) Advertisement tihchhuah tawh a ni a, lei duh tur e nen inremna siampui tum mek a ni a ti a, Sawhthing lei duh Em-pannel Firm te chu Sorkar hmun hma Godown te hman phalsak an ni dawn a, inremna an ziahquite hnena hralh te hnenah support price an pe ang a ti.

<><><>

HOME MINISTER

Home Minister Pu K Sapdanga chuan sorkarin a buaipui ber chu an flagship program Bana kaih/Handholding hnuai a thlai thar lei a ni a ti.

Vawiin khan Hualtu kum 400 tlin lawmna leh Hualtu Branch YMA Golden Jubilee lawmna, Alu Hmun Field, Hualtungamtawna Run a neih Agriculture Minister Pu PC Vanlalruata nen an hmanpuinaah Minister chuan he thu hi a sawi a. Home Minister chuan, tunah hian hmarcha lei duh pawh tih fel thawkhat a ni tawh a, thlai dangte pawh sorkar lamin a leitu tur leh a hralhna tur a buaipui mek a ti a. Handholding Policy leh CM special package hmangin kuminah bul an tan tih sawiin kuthnathawktute huan lo ram thleng phak tanpuina hmuh a nih ngei a beisei thu leh, chu chu ZPM sorkar pawhin a tum ber a nih thu a sawi a ni.

Agriculture Minister Pu PC Vanlalruata pawhin thu sawiin, a bial chhunga khaw ropui tak mai leh upa tak mai Hualtu khua chu vawiin thlengin khaw chhuanawm an la ni reng a ni a ti a. Zikhlum leh Tomato-ah Aizawl khawpui an chawm mek tih sawiin khaw taima tak lo ni zel turin a chah a ni.

Home Minister Pu K Sapdanga leh Pu PC Vanlalruata Agriculture Minister te hian Hualtu khua hmasawna tur mamawh hrang hrangte an en bawk.

<><><>

HANDHOLDING

Sawrkar flagship program, Bana Kaih Scheme chu Mizoram mipui tam zawkin an hmelhriat a, an zirchian theihna turin Information & Public Relations Department, Doordarshan Kendra (DDK), Aizawl leh All India Radio-te chuan thawhho dan tur relin an thukhawm a.

Thutkhawmnaah hian Information & Public Relations Department kaltlang a Bana Kaih Scheme Publicity & Documentation kalpui a nih dan ngaihthlak niin Social media platform hman tangkai a nih thu te tarlan a ni a. Bana Kaih Scheme chungchang mipui hnen a sawt zawk a thlen leh zirtir a nih theih nan DDK leh AIR-te nen a thawhhona kalpui dan tur te sawi a ni.

He hun ah hian Publicity & Documentation hna tha tak a kalpui a nih chuan mipui hnen a zirtirna dik pek piah lam ah a tak a he scheme kalpui a nih dan leh hamthatna dawngtute hmalakna vilpuina kawngah nasa takin Sawrkar tan a tangkai tur thu sawi a ni a. A hun tak a, mipui mamawh thu dik leh tangkai thlen thinna chuan hmasawna hna thawh kawngah nasa takin a puih thin thu sawi a ni.

<><><>

PM VISWAKARMA

Commerce & Industries Minister Pu F. Rodinglana'n Mizoram Industrial Policy duan mekah sorkar danga la awm ngai lo hamthatna tam tak a awm dawn tih a sawi.

Vawiina PM Vishwakarma Exhibition & Trade Fair a hawnaah he thu hi sawiin Minister chuan industry hmasawna lam hawiah an sorkar tirh atangin sum an dah nghal a ti a. Minister chuan policy a that loh chuan hnathawh a that pawhin hlawhtlinna a awm hleithe i lo a ti. Minister chuan kut themthiamte inphochhuahna tur PM Vishwakarma Exhibition chu Kutthemthiamte puitu tha tak a nih a beisei thu sawiin PM Vishwakarma chu hman tangkai chuan hlawhtlinna tur thil tam tak tih theihna a ni a. Tereuhte atanga bul tanin lawmna a tam tih sawiin Minister chuan ngaihtuahna thar nena hma la turin kutthemthiam kalkhawmte chu a sawm a ni.

Branch MSME-DFO, Aizawl-a Deputy Director Pu Lokesh Parganiha chuan PM Vishwakarma chungchang sawiin kum 2023-a Prime Minister Pu Narendra Modi-an India ram hmun hrang hrang kutthemthiamte dawmkan nana a hawn a ni a ti a. Kum 1 chuang hret hnuah dilna vbc 2 leh nuai 60 a luh tawh thu leh India ram pumah kuthemthiam, artisan nuai 25 chuang verified tawh an nih thu a sawi a. Mizoramah pawh mi 10,744 register tawhin mi 2609 chu level 3 certified an awm tawh tih a sawi bawk a ni.

<><><>

NEW CS

Mizoram Chief Secretary thar Pu Khilli Ram Meena chuan vawiin khan a hna a zawm tan a.

Pu Khilli Ram Meena hian nimin khan Aizawl a rawn thleng a. Nimin vek, tlailamah Chief Minister Pu Lalduhoma a hmu a. Vawiin chawhma khan Governor Dr Hari Babu Kambhampati a hmu tawh bawk a ni.

<><><>

LUNGSEN ACCIDENT

Vawiin dar 2 vel khan Lungsen khaw chhung a Auto Rickshaw service pakhat chu Lungsen khaw chhung Lungsen-I VC Lungdawh bulah chesualin a phurh pahnih Pi, B.Hrangthangpuii kum 77 leh Pi, Thankungi kum 70 te chuan hliam na tak tuarin Lungsen PHC panpui an ni a, Lunglei lam panpui tura an inruahman laiin an hliam tuar lovin tlai dar 3:45 vel khan an thi ve ve.

Thi te hi vawiin khan an mit entirin YMA Hall Lungsen North Branch ah kalin an inentir haw lam hi an in a hlat tham avangin Auto Rickshaw lain an chesual ta a ni.

<><><>

MNF PRESS CONF

MNF party chuan Manipura pawh sawi lo te tawrhna kal zel titawp thuai turin sorkar laipui an phut tih an sawi.

Vawiina Media & Publicity General Secretary Pu VL Krosshnehzova hoa Aizawl Press Club-a chanchinbumite an kawmnaah he thu hi sawiin, MNF chuan Manipur tualchhung buaina avangin Zohnahthlak unaute zingah nunna chan mi 219 an awm tawh a ti a. Kristiante Biak In 360 chuang tihbawrhban leh halral a nih tawh thu leh, chenna in 7000 chuang meivapah chantir a ni tawh a ti a. Heng bakah hian khua atanga umchhuah, sahimna zawnga mahni in leh lo tlansan mi 41,125 chuang an awm mek tih sawiin heng chhiatna leh buaina thleng zawng zawngah hian Manipur state hotu Chief Minister Biren Singh chuan mawh a phur bera an ngaih thu an sawi a ni.

MNF chuan democracy ram lian bera chhal theih India rama mipui thlan sorkarin mipui chung a tawrhna thleng a en liam mek chu democracy laka helna a ni an ti a. Manipura an unaute tawrhna chu an tawrhna a nih tlat avangin an tan nghet taka ding zelin, MNF chuan a maimitchhin san ngai dawn lo an ti a. MNF kaihhruai sawrkar kal ta, Chief Minister huaisen tak, Pu Zoramthanga hruaina hnuaiiah khan unaute thlavang hauh kawngah na takin ke pen a ni tawh an ti a. Mahni hnampuite nunna humhim tur leh mahni ram chhan tura kan unauten an beihna kawngah inpumkhat leh lungrual taka thawk ho a, Zo nunmawi a taka lantir zel turin an duh tih an sawi a.

Mizoram sawrkar pawh inhumhimna zawnga Mizorama awm mekte tuamhlawm kawngah leh Manipura unaute thlavang hauh kawngah huaisen takin pen zel tur leh tun hmaa an sawi thin anga hnam thinlung pu thar leh turin an phut tih an sawi a. Ram leh hnam tana hma an lakna kawngah chuan theihtawpa tawiawm an inhuam reng thu an sawi a ni.

<><><>

AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

<><><>

JMM

JMM hruaitu Hemant Soren chu vawiin tlai khan Jharkhand Chief Minister atan lakluh a ni. Governor Santosh Kumar Gangwar chuan Ranchi-a Marhabadi Maidan-ah Pu Soren-a hi a tum li na atan Chief Minister atan a lalut a. Vawiina Jharkhand CM lakluh inkhawmah hian INDIA bloc hruaitute an tel tha hle a ni.

Jharkhand inthlan neih zawh takah khan INDIA bloc te hian assembly bial 81 ah seat 56 an la a. BJP kaihruai NDA te chuan seat 24 an la thung a. Jharkhand Loktantrik Karantikari Morcha in seat khat an la bawk a ni.

<><><>

PARLIAMENT

Vawiin Parliament rorel thutkhawm chu Opposition Party ten bengchheng an siam nasat avangin rorel thei loin vawiin atan tihtawp a ni.

Rajya Sabha-ah chuan Congress , Left, DMK, TMC, Samajwadi Pary, AAP leh eptu member dangten sumdawng pawl pakhat hlemhletna chungchang sawiho an ngiat avangin rorel hleihtheih a ni lo a. Chhun dar 12 a an luhkhawm hnu lawkah vawiin atan tihtawp a ni.

Rajya Sabha chairman Jagdeep Dhankar chuan Parliament chu thu sawihona hmun tha anih thu leh rorelna tluang taka kalpui anih theih nan member te chu Chairman thu ngaipawimawh turin a ngen a ni.

Lok Sabha ah pawh Opposition memberten Rajya Sabha ang bawka bengchheng an siam nasat avangin chhun dar 12 an luh khawm hnu lawkah rorel thei loa tihtawp a ni.

Vawiin rorel inkhawm tan anih hian tunhnaia Lok Sabha by-election-a thlan tlin Priyanka Gandhi Vadra leh Ravindra Vasantao Chavan te chu rinawmna thu tiamtira lakluh a ni.

<><><>

IFFI

Zaninah International Film Festival of India vawi 55-na Goa-ah khar a ni dawn. Kharna inkhawmah hian ramchhung cinema-a mi langsar tak tak an tel dawn a. Award ngaihhlut hlawh Golden Peacock Award sem ni ang.

Ni kaw chung IFFI hman anih chungin tawng hrang hrang 180 chuang tihchhuah a ni a. Hnam ziarang leh rimawi ngaihnawm leh hmuhnawm tak tak entir a ni bawk.

<><><>

CONGRESS

Congress hruatu leh Lok Sabha-a Deputy Leader Gaurav Gogoi chuan Parliament chu sawrkar hna mai bakah mipuite kaihhnawih thil pawimawh tak tak sawihona anih thu a sawi a. Mipui rorelna democracy ah chuan mitin an leng tur a ni a ti.

<><><>